

August Varenius

**Augustus Varenius SS. Theol. D. ... Ad Exequias Quas ... Wedig Christophoro
Vogelsang, Equiti Mekleburgico Anno cllcXLIIIX. d. 4. Maii nato, & cLXII. d. 9.
Maii. denato Solemni ceremonia d. XXIII. Septembr. In Templo Mariano ...
Parentes adornabunt Omnium ordinum Cives Academicos ... invitat**

Rostochi[i]: Kilius, 1662

<http://purl.uni-rostock.de/rosdok/ppn77717488X>


Druck Freier  Zugang




Müller, H.,
auf W. C. Bogelsang.

Rostock. (1662.)

75





AVGVSTVS VARENIUS

SS. Theol. D. Hebraicorum & Cateche-
seos Christianæ Professor Ordinarius

Universitatis ROSTOCHIENSIS

h. t. RECTOR

AD EXEQVIAS

Quas

Nobilissimo Adolescenti

WEDIG CHRISTO-
PHORO VOGELSANG,

Equiti Mekleburgico

Anno clb lxx XLIIIX. d. 4. Maijnato, & clb lxx LXII.

d. 9. Maij. denato

Solemni ceremoniâ d. XXIII. Septembr.

In Templo Mariano

Nobilissimi mœstissimiq; Parentes
adornabunt

Omniū ordinum Cives Academicos, eâ
quâ par est, autoritate & humanitate
invitat.

AUGUSTINUS:

*Unam excitare homines possemus & cum ipsis pariter excitari, ut ta-
les essemus amatores vite permanentis, quales sunt homines
amatores vite fugientis.*

ROSTOCH, Typis JOHANNIS KILII, Acad. Typogr.



D prænobilis Adolescentis WEDIG-CHRITOPHORI VOGELSANG Equitis Meckenburgici, in vernante virtutis pariter ac ætatis flore, pulcherrimiq; Corporis, & indolis igneæ vigore, ex ipso Nobilissimorum Parentum, GENEROSI in printis AVI conspectu, mortalibus erepti, tumulum, si, Theatro plangente, Virtute lacrymante, facundiâ lugente, nec, præter inanes nœnias, & flebiles elegias, quicquam promittente, nostra quoq; præfens in lacrymas potius, quàm voces exiret parentatio, deminutam facundiæ vim dolor ingens, & lamentabilis spectaculum funeris absolverit, potentissimumq; doloris argumentû fuerit, sine præparatâ voce dolere. Abiit, abiit, Nobilissimi, maxumèq; Strenui Viri, Exercitus olim Gallorû sub BERNHARDO WEIMARIENSI invicto Germanorû Achille Tribuni fortissimi GOTHARDI VOGELSANG Hæreditarii in Erbschagen, & Hypothecarii in Carau, Patris, incomparabilis voluptas. Obiit Nobilissimæ Matris, MAGDALENÆ LUCIÆ VIIEGGEN dulce decus, & amor pretiosissimus. Prævit AVI Materni, Generosi Magnificiq; Viri, Domini CASPARI VIIEGG, Domini hæreditarii in Monsal / & nascendi sorte Dominatus

tus Buzoviensis Marschalli eminentissimi, Reip. Ro-
stoch. Consulis Amplissimi, Aviã item Maternæ, splen-
didissimæ virtutum pariter ac imaginum decoribus Ma-
tronæ, LUCIÆ WELZIN, natali domo WEISIN, flo-
ridissimum delitium, pulcherrimo domi spectaculo,
per pueritiæ nobilis annos in generosæ domus firma-
mentum, pari spei curâ, nepos enutritus. Emigravit &
ad meliora festinavit, per cujus venas tot Nobilium no-
minum sanguis profluxit, quæ immortalitati cœloq; suo
reddita, nunc servat posthuma fama. Ut enim nihil
de Nobilissimis Parentibus, nihil de Generosis Avo,
Aviaq; maternis (quia, sit gratia cœlo! superant etiam
nunc, &, ut quam diutissimè superent, ac in ipsâ candi-
dissimâ canitie læti, mortalium rebus intersint, vovemus)
nunc repetamus, ne quis recentioris & vel emendicatæ
nobilitatis, quam Torneamentorum leges excludant,
lege Nobilissimum Juvenem, cui tumulum fa-
cimus, æstinet, prohibet Avus Paternus WEDIGIUS
VOGELSANG Hæreditarius in Erbsbogen & Nipers/
Avia Paterna ANNA Kardorffen de domo Nisorn &
Grankau/Proavus Paternus à parte Avi Paterni JOACHI-
MUS Vogelsang/Proavia Paterna à parte Avi Paterni IL-
SA de Bülau ex domo Potrense/Proavus Paternus à par-
te Aviã Paternæ MAURITIUS Kardorff/ Hæredita-
rius Dominus in Nisorn/ Grankau & Bitau/ Proavia
Paterna à parte Aviã Paternæ, CATHARINA Bülau/
ex domo Kargitz & Prussen/Proavus Maternus à parte

Avi Materni RUBERTUS Bieregg / Hæreditarius in
Bentz / & pari respectu Proavia RACHEL von Kahlen
de domo Keiche / Proavus Maternus à parte Avia Maternæ
HENRICUS Welzin / Hæreditarius in Weiffin &
Grambau / ac pari respectu Proavia MARGARETA
von Barmsted / de nobili in Marchiâ Brandeburgicâ
domo Grestorf / Abavus Paternus I. à parte Avi Paterni
JACOBUS Vogelsang / Hæreditarius in Erbhagen & Nie
pers / & pari respectu Abavia prima BARBARA von
Sanitz de nobili in Pomeraniâ domo Lenzkow / Abavus
Paternus secundus à parte Avi Paterni BERNHARDUS
von Bulow de domo Potrense / & pari schemate Abavia
secunda MARGARETA Restorf de domo Radepohl.
Abavus Paternus tertius à parte Avia Paternæ JOHAN
NES Karldorf / Abavia Paterna tertia pari gradus respectu
ANNA Lessowen de domo Lünau & Wüstorf. Abavus
Maternus à parte Avi Materni, CHRISTOPHORUS
Bieregg Hæreditarius in Bentz / & per X X X. annos
Episcopatus Buzovienf. Marschallus, Abavia Materna à
parte Avi Materni ELISABETHA Lühouen de domo
Saxonicâ Sehdorf / Abavus Maternus secundus à parte
Avi Materni CASPARUS von Kahlen / Hæreditarius in
Keiche / Abavia Materna secunda à parte Avia Maternæ
secunda, à parte Avia Maternæ MAGDALENA Kra
mon de domo Borkau / Abavus Maternus tertius à parte
Avia Maternæ JOACHIMUS Welzin / in Weiffin &
Grambau Hæreditarius, Abavia Materna tertia, à parte
Avia

Aviæ Maternæ MAGDALENA Passauen de domo
Zittig / Abavus Maternus quartus MELCHIOR von
Wannstett / Hæreditarius Dominus in Zerstorf & pari nu-
mero respectuq; Abavia IL SA von der Lûbe de domo
Wettelkau & Buschmûhlen / Atavus Paternus 1. à parte
Avi Paterni, REIMARUS Vogelsang / Dominus in
Erbshagen & Nipers / Atavia Paterna 1. à parte Avi Pa-
terni DOROTHEA Zerstorf de domo Muffin / Atavus
Paternus 2. à parte Avi Paterni Dominus de Sanitz Hæ-
reditarius in Zenschow / Atavia Paterna 2. pari respectu
DOMINA N. de Penzen / Atavus Paternus 1. à parte Aviæ
Paternæ HERMANNUS Karldorf / Hæreditarius in
Nisôr & Grankau / Atavia Paterna 1. à parte Aviæ Pater-
næ LUCIA Bassewitz de domo Luburg / Atavus Maternus
1. à parte Avi Materni ACHIM Bieregg / Hæreditarius
in Bentz & Wettendorf / Atavia Materna pari numero pa-
riq; respectu CATHARINA Zenschow de domo Mistorff /
ultra quos per Tritavos, & fulgidissimos Majores adscen-
dendo vetusta stemmatis paterni celebrantur Nomina
BASSEVIZIORUM de Lûborg / BULOVIORUM de
Kargitz / HANIORUM de Besant / MOLZAHNIORUM
de Grubenhagen / MARENHOLZIORUM AHLESLE-
BIORUM, POTLIZIORUM, LEFZOVIORUM,
prout in maternâ Genealogiâ Nobilissimæ fulgent ima-
gines Majorum, KARBERGIORUM, PENZIORUM,
MOLZAHNIORUM, BASSEVIZIORUM, LUBBER-
STORFIORUM Marchiacorum, ARNHEIMIORUM,

DRIBERGIORUM, per quos Nobilissimus, quem nunc
condimus, Adolescens fuit non minus ac apud Poetam
Turnus, avis atavisq; potens. Quod si ex HENRICI Aucu-
pis (â quo processit inter Germanos Avorum cumulatio)
lege, quatuor Nobilium Avorum insignia sufficiebant in
Hastiludiis militaturo, non exclusisset per pater nam,
maternamq; nobilitatem, adultiorem VOGELSAN-
GIUM equestre illud Theatrum, cui ad nobilitatis nara-
litia demonstranda non opus de more Senatoriorum,
olim Virorum vel armaria lignea, veterum sc. imaginum
vanorumq; habendi simulacrorum fallacia receptacula
solicitare, cum tot vivacibus & fulgidissimis etiam nunc
Nobilissimorum familiis immistum sanguinem facile
esset in spectaculo & venis repræsentare. Equidẽ funer
nobilium ceremoniis, splendidissima majorum No-
mina, & fulgida Nobilitatis insignia inserere, vel ce-
reis facibus, vesti; stragulæ, quâ feretrum conte-
gitur, affigere, vel tumulo ipsi, & saxi ac columnis
sepulcralibus incidere, non recens institutum,
est. Addebantur instrumenta studii, quo defunctus
quondam excelluerat. De Archimede Syracusano ex-
cellente Astrologo testis Cicero V. Tusc. sepulcro ejus,
*quod ignorantibus Syracusanis, septum ac vestitum de pribus
& dumetis invenerit, impositam fuisse Sphæram cum Cylin-
dro: nec alio respectu, Miseno forti nautico tibiciniq;
repræsentante Virg. 6. Aneid.*

Pius

*Pius Aeneas ingenti mole sepulcrum
Imposuit, suaq; arma Viro, remanq; tubamq;
Monte sub aereo*

Ex quo more Majorum, etiam nunc *Doctorum* in templis imaginibus, *Voluminis* s. *Codicis* additur simulacrum, tolerabilius illud profano, nec ferendo facile professis legem Christi Principis pacis, ritu, quo, ad ostentandam in ipso funere ferociam, veterisq; bellici furoris impoenitentiam, terribilem cristis galeam, flammisq; vomentem, & illos carnifices gladios, quibus, non armante Deo, sciderunt & pupugerunt innocuos, illa calcaria, per quæ, concitatis in hostem equis ut sc. facilior esset descensus Averni, perniciosiori contentione ruerunt in nigra Tartara, in ipsis Templis ad sepulcra velut triumphale signum suspendunt. Cæterum, prout Generosorum, per Magna Virtutum facinorumq; pulcherrimorum exempla celeberrimorum, memoriam per avira stemmata recollectam, in ipsis exequiis peculiari recordatione vel repræsentatione conservare, ne, quos Deus ipse sublimibus dotibus, admirandis facinoribus in Theatro collocavit, illacrymabili longaq; ignoti nocte urgeantur., pietas admittit: Ita vel ad solam funeris pompam, cumulare Majorum sive nomina sive insignia, & vel in solis illis, virtutum sæpè inopibus signis, fallacibusq; vetustatis argumentis sine propriæ Virtutis Ideis intumescere, infra pietatis veræq; nobilitatis gloriã est. Quin, ne quis in ostentandis quatuor
in signibus

insignibus Avis scilicet & duabus Avibus liberis (in scilicet
vier Ahnen) interruptâ serie docendis, juxta regulam ju-
ris Equestris: Es sol und mus ein Edelmann vier schuldig
sein / und beweisen / daß er von Väter und Mütterlichen
adlichen Ahnen geböhren sey / muliebritèr insolescat, ipsâ
voce Ahnen / foro latinâ à voce Anus deducta, ad puden-
da ablegatur, & ad humilioris & vilioris originis revoca-
tur recordationem. Enim vero, illud vulgò tritū: SOLA
VIRTUS nobilitat, verò maximè consonū. Quæ enim
gloria, longâ pompâ vanaq; ostentatione recensere fami-
liæ suæ nomina, multis imaginibus, stemmatūq; flexuris
illigata, in quibus si quid veræ laudis est, id omne venit
aliunde, pictoriq; debetur, cujus ingenium arguunt
& peritam manum? Quæ gloria, extra conscientiam
virtutis publicorumq; sive Togâ, sive sago meritorum,
ceratis ope Dædaleâ pennis sese efferre, & ad nauseam
usq; intonare tritum illud, sed quo nihil verius, *wir sind*
von Adel? Destituti scilicet Virtute, nobilitate quoq; desti-
tuuntur, & antiquitatem generis ac profapia potius de-
decoris aspergunt labe, quam decorant sanguinis ho-
nore. Non est proprium bonum, sanguinis Nobilitas: sed
alienum, tantò inanius nomen, quanto magis aliena
claritudo est: quod si præsumptio Virtutis attollit Nobi-
litem, quanto splendidius sanguine spumoso Virtutis
Nomen est, quæ sola nec dono datur nec accipitur, &
extra quam *dedecorant bene nata culpa.* Quin vel illud
certū vanitatis argumentū est, quod cum tantò nobili-
tas cen-

tas censeatur illustrior, quanto prosapia est antiquior,
communem cum vilissimis etiam mortalibus tandem re-
perat originem, usq; adeo, ut dum omnia longa varietas
miscuit, & sursum deorsum fortuna versavit, nemo Re-
gnum non ex servis, nemo non servus oriendus ex regibus,
atq; à primo mundi ortu usq; in hoc tempus perduxerit nos
ex splendidis sordidisque alternata series. Præclare Boetius

*Omne hominum genus in terris, simili surgit ab ortu
Unus enim rerum Pater est, unus cuncta ministrat
Mortaleis igitur cunctos edit nobile germen
Quid genus & proavos strepitis? se primordia vestra
Autoremq; Deum spectes, nullus degener exstat
Ni vitius pejora fovens proprium deserat ortum.*

Quin, si quid in illâ nobilitate bonum, illud in primis est,
ut, cum majorum gloria posteris lumen sit, nec bona,
nec mala eorum permittens in occulto, imposita nobili-
bus necessitudo quædam videatur, ne à majorum virtu-
te degenerent, imò ut quibus præclara majorum fax
prælucet, tantò clarius propriâ virtute collustrentur, ne
incipiat

Ipsoꝝ contra se stare parentum nobilitas
Graviter olim Salustius: *Contemptor animus & superbia
commune Nobilitatis malum.* Et profectò, si doctrinam
rectosq; cultus tollas, ita res habet. Animus imperator
vitæ mortalium sibi relictus & expers disciplinæ, pravis
cupidinibus captus, ad inertiam & voluptates corporis

B

pes

peffum datus perniciosâ lubidine paulisper usus, non
jam casus suos regit: sed, etiam ubi paululum potestatis
adeptus, cœlum, quod dicitur, ipsum capite tundere sibi
videtur, ab ambitione fastuq; suo regitur, literas omnes
ipsumq; virtutis studium ejusq; Professores odio profes-
so prosequitur. Quod ne fiat, apprime bonâ opus est
educatione, maximeq; cavendum in Republi benè con-
stituta, ne Heroum & Magnatum Filii sibi metipsis per-
mittantur, quasi ex solâ majorum nobilitate tantum,
jam possideant, quantum alii multo sudore improboq;
labore necesse habent sibi comparare, satisq; sibi sit vel
leviter tantum & quasi aliud agendo cum Musis transi-
gere, vel literas omnes penitus ignorare. Equidem,
præter illos, ventri, somno, ambitioni deditos, incul-
tos, quibus contra naturam corpus voluptati, anima
oneri est, & quorum vitam mortemq; juxta æstimamus,
quoniam de utraq; filetur, aliquo negotio intentis &
præclari facinoris, aut artis bonæ famam appetentibus,
non idem omnibus iter ostendit Natura. Sunt, quos *bella
juvant*. Et *lituo tubæ permistus sonitus*, non sane culpandi,
si non ita solis armis omnem equestris dignitatis apicem
absolvi sibi habeant persuasum, ut studia literarum,
velut Scholastica nimis, minusq; digna Nobili Viro du-
cant, & barbaro fastu projiciant. Ac in Italia super hâc re
reciprocata est disputationis ferra, *an sagum toga seu ar-
ma literis, an verò literæ ac studia armis bellig; exercitiis sint
ante-*

anteferendâ, placuitq; temperata pariter ac erudita de-
cilio, & armis ac literis debitum constare honorem, si quod li-
terâ precipiant, exequantur arma. Generosiores illi, qui-
bus placet inclarescere pacē, sive pro Republicâ benè dicen-
do, sive Reipublicâ benèfaciendo, sive aliorum facta scriben-
do, qui, cum alia, quæ Equestrem dignitatem decent or-
nantq;, tum humanitatis imprimis studia, pietate tan-
quam virtutum omnium reginâ minimè neglectâ, patriis
suis ceris imprimunt, & id sibi negotii dari credunt, ut
aliquando vel in curiis Provincialibus Præsides agere,
vel salubribus consiliis Principibus suâ industriam præ-
stare, vel ad exteros populos ablegati Magistratus digni-
tatem suam circumferre, vel vicariam linguam Magna-
tibus accommodare, vel alio quocunq; tandem modo
Patriæ universæ magno & ornamento & firmanento
esse queant. Scilicet, ut gemmei freni decorant Equū,
juba bracteata Leonē generosū: ita, si ad obsoletos um-
bones clypeorum, ad ceras illas & figuras majorum acce-
dat bona mens, & vel memoriâ rerum gestarum crescat
egregiis Viris in pectore flamma, non prius sedanda,
quàm virtus eorum famam atq; gloriam adæquaverit,
hæc jam palmaris est & triumphalis nobilitas, per quam
in honoris ac perennantis famæ templum generosis ali-
tibus panditur aditus. Et ad hanc gloriâ Virtutis viâ gras-
satus est Nobilissimus ac tot generosæ indolis ac virtutis
speciminibus pulcherrimus quondam Adolescens WE-

B 2

DIGIUS

DIGIUS CHRISTOPHORUS Vogelsang / dubiam re-
tro Majoribus palmam facturus , si in hâc scenâ,
mortalis æviq; brevi non tempus magis, anteveniente no-
bilitatem meritorum publicorum fato, quam vis insita,
quam doctrina vel industria de fuisset. Igitur, licet acer-
bum funus sit, in quo tot Nobilissimorum Progenito-
rum sanguis generosus & adolescentiæ flos pulcherri-
mus effertur, magis tamen lamentabilem tumulum red-
dit Virtus excellens & annos antevortens, illa in primis
indoles decora, sine mali praviq; misturâ, studium sapi-
entiz, & quæ principium hujus est, vera Pietas, spes ma-
ximorum in Republicâ meritorum, quam Epidemiæ
luis horrida tempestas intercepit. Demus illibatæ vir-
tutis funeri peculiarem mortalitatis traditionem. Na-
tus noster seculo nobilis: sed ignobilis aterq; Coelo d.
IV. MAII. Anno cl. lxx. XLIX. Ne perseveraret iræ Fi-
lius, palatii cœlestis portis exclusus, assumfit de rubente
Lavacro Candidam Candidus & rubicundus Agni san-
guine d. VII. Maij. Infantiam VOGELSANGII fovit
domus natalis: pueritiam per X & ultra annos provexit
incomparabilis Generosi Avi, Aviazq; Nobilissimæ flam-
ma; sub Oculis propriis Inspectoribus, & Viro nunc
Excellentissimo JOHANNÉ ROLINGIO Philos. M. ac
in inclutâ Regiomontanâ Poeseos Professore ac Colle-
gii Philos. Decano clarissimo, Eximio itē & Præstantis-
simo Domino FRANCISCO PRÆTORIO SS. Theo-
log.

log. Cultore felicissimo, studiorum Moderatoribus,
pueritiæq; Rectoribus accuratissimis ac laboriosissimis.
Eminuit in puero indoles ignea, summis, si regiâ duce,
returviâ, ingenii comparanda. Ne ductores dees-
sent, prospexit Avi, Aviaq; cura, tantò potentior illa,
quanto plus ponderis addidit per exempla domestica,
Profecit ergo floridissimus VOGELSANGIUS studiis
literisq;, quæ pueritiâ decent. Profecit elegantio-
ris conversationis artibus, blandus, & ingeniosissimus
amorum gratiarumq; sive conciliator, sive conservator
vel perelegantissimas insinuationes amplificator quoq;
Profecit obedientiæ ceterarumq; virtutum, quarum
caput est P I E T A S, laude. Pietatis argumentum in-
signe, fervor ille nobilis & sacra contentio in verbo cœ-
lesti sive audiendo sive legendo, in sanctissimis hymnis
decantandis, in quibus omnem volucrum Musicarum
melodiam superavit suavissima VOGELSANGII no-
stri Musica. Nihil non in Adolescente sanctum, gra-
ve, prudens, & annos antecurrens. Responsa pro ata-
te egregia & vel interroganti levioris inprimis armatu-
ræ militi dubiam aleam redditura. Tot bona tam par-
vo clausit in orbe Deus. Nec novissima prænobilis Ado-
lescentis infra gloriam fuerunt. Ad *infortunium*, ac si præ-
sensisset imminentem sibi fatalem diem, exquisitis
mortis meditationibus ac opponendis illi consolati-
onibus, sanctissimis de Animæ immortalitate, de glo-
riosa

riosâ Filiorum Dei resurrectione, de vitâ æterna collo-
cationibus, & hymnorû, qui funeribus vulgò præcinnun-
tur, decantationibus, aliquot, antequam affligeretur sæ-
va morborum vi corpusculum, hebdomadibus, pectus
benè præparatum, & ad utranq; sortem compositum,
publicus ostendit. Nec defecit impavidus & contem-
tor mortis Animus, quando tentatum jam lectuloq; le-
tali affixum succubuit magis magisq; corpus. Oppugna-
runt hoc pustulæ, νόστος Ἰπ. δῆμιος ἢ πολλοὺς ἀναίρει, in quâ
peste causam divinam seu συμφορὰν θεήλατον, Elementarem,
quatenus ἐν τούτων νοσούμενοις καὶ ῥώμεν, Materialem externâ
& internam, ipsaq; primordia uterina jam dudum nota-
runt Medicorum Principes, tantò detestabilior illa lues,
quanto deformius grassatur in pulcherrimos. Opposita
sævienti malo pretiosissima quæq; Moderatore Excel-
lentissimo Medico pharmaca: sed pervicit erumpentis in-
atras papulas, malignitatis indices certissimas, febris
Tyrannis, & ubi jâ, ebullitione teste, excussa pectore,
ipsaq; cordis arce propulsa in suprema cute videbatur
furorem novissimum signavisse, mox ad interiora re-
lapsa, Spiritus vitalis arcem omni Tyranno validius op-
pugnavit, & absumto per flammam potentioris cas-
lido, eductoq; vitali spiritu expugnavit, ac in lamenta-
bile squalidumq; cadaver elegantissimum. Nobilis Ado-
lescentis corpus redigit, inter quæ tormenta ne defice-
ret generosus animus, precibus, & Sanctissimis hymnis
obviam

obviam tot paroxyfinis ivit **VOGELSANGIUS** Ado-
lescens, tandemq; placidissimi soporis simulacro, & emi-
grationis compendio fefellit Tyrannum, subductâ
Sanctissimâ anima, umbrâ cineresq; cedens expugnan-
ti. Conclamatum ita d. IX. Maij ab adstantibus, & nobi-
lissimo funeri illacrymantibus charissimis, ipso etiam,
Generoso Domiuo **A V O**, cujus domestica calami-
tas, quam pretiosissimi Nepotis casus intulit, nos in
communione doloris pariter ac lacrymarum ad pri-
mam funeris famam abripuit. Sed quid post mortem
juvat indulgere dolori? Prævit, quò sequemur, illo, quo
quemq; Deus ordine vocabit. Festinavit ad meliora;
quis inuidebit? Tales Rosæ debentur Paradiso cœle-
sti. Gaudent transplantari, ut felicius crescant. Clamat
Apostolus: *longè optimum est emigrare & cum* **CHRIS-
TO esse.** Clamat Phoenix in Arabia suâ Theologica:
**EX CARNE MEA VIDEBO DEUM. EGO DEUM
REDEMPTOREM VIDEBO MIHI. OCULI MEI
ILLUM VIDEBUNT, SED NON ALIENUS.** Cla-
mar in Evangelio Servator: **EGO SUM RESURRE-
CTIO ET VITA. QUI CREDIT IN ME ETIAMSI
MORTUUS FUERIT VIVET: IMO OMNIS
QUI VIVIT ET CREDIT IN ME, NON MORIE-
TUR.** Intonat in Apocalypsi Johannes: **BEATI AN-
TI MORTUI QUI IN DOMINO MORIUN-
TUR. REQVIESCUNT A LABORIBUS SUIIS.**

Personat:

Personat Apostolus: Ubi tuus ô Mors est stimulus? Ubi
tua, ô inferne, victoria: DEO autem sit gloria, qui dedit
nobis victoriam per DOMINUM NOSTRUM JE-
SUM CHRISTUM. Quod superest, ut in honorem
& solamen Nobilissimorum Parentum generosi in pri-
mis & Magnifici Avi frequentes fulgidissimi quondam,
& literati Juvenis exequias, ubi ad horam 2. funus effe-
retur, eant, quotquot jurisdictionem Academicâ agno-
scunt, eâ quâ par est, autoritate & humanitate posco.
Inter eundem meditemini illud Magistril. ad M. *Nihil
interest, ubi firmus in seculo, qui extra seculum sumus. Con-
tristetur, qui fructum seculi suspirat.* CHRISTIA-
NUS etiam extra carcerem seculo renunciat, &
in carcere carceri.

P.P. Rostochii sub sigillo Rectoratus d. xxiii.
Septembris Anno MDCC LXII.



Funebria

obviam tot paroxyfinis ivit VO
lescens, tandemq; placidissimi sop
grationis compendio fefellit T
Sanctissimâ anima, umbrâ cineres
ti. Conclamatum ita d, IX. Maij ab
lissimo funeri illacrymantibus ch
Generoso Domiuo AVO, cuju
tas, quam pretiosissimi Nepotis
communione doloris pariter a
mam funeris famam abripuit. Se
juvat indulgere dolori? Præivit, q
quemq; Deus ordine vocabit. F
quis invidebit? Tales Rosæ deb
sti. Gaudent transplantari, ut fel
Apostolus: *longè optimum est emig*
STO esse. Clamat Phoenix in A
EX CARNE MEA VIDEBO D
REDEMPTOREM VIDEBO
ILLUM VIDEBUNT, SED N
mar in Evangelio Servator: EG
CTIO ET VITA. QUI CREDI
MORTUUS FUERIT VIV
QUI VIVIT ET CREDIT IN
TUR. In tonat in Apocalypsi Joha
PTI MORTUI QUI IN D
TUR. REQVIE CUNT A

GIUS Ado-
cro, & emi-
subductâ
expugnan-
us, & nobi-
ipso etiam.
ica calami-
lit, nos in
rum ad pri-
t mortem.
tur, illo, quo
ad meliora;
adiso coele-
ant. Clamat
m CHRI-
Theologica:
GO DEUM
EULI MEI
ENUS. Cla-
RESURRE-
ETIAMS I
O OMNIS
N MORIE-
ATI AN
MORIUN-
BUS SUIS.
Personat.

